

**BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
GRAD BIHAĆ  
GRADONAČELNIK**

Broj: 11/1-44-65/19  
Bihać, 09.07.2019. godine

U skladu s članom 52. stav 1. tačka a) Statuta Grada Bihaća ( "Službeni glasnik Grada Bihaća", broj: 13/15 i 13/18) i člana 183. stav 2. Poslovnika Gradskog vijeća Bihać ("Službeni glasnik Grada Bihaća", broj 3/16), Gradonačelnik u svojstvu predlagača općih i drugih akata

**O d r e đ u j e**

Izvjestioca Fuada Dedića, Pomoćnika Gradonačelnika za civilnu zaštitu na \_\_\_\_\_ sjednici Gradskog vijeća i radnim tijelima Gradskog vijeća po prijedlogu tačke dnevnog reda:

Odluka o utrošku sredstava posebne naknade za zaštitu od prirodnih i drugih nesreća za sufinansiranje Programa uređenja i održavanja vodotoka i drugih voda, izgradnja, rekonstrukcija i održavanje vodnih objekata za 2019. godinu

Gradonačelnik  
Šuhret Fazlić

**BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
GRAD BIHAĆ  
GRADONAČELNIK**

Broj:11/1- 44-65/19  
Bihać, 09.07.2019. godine

Gradsko vijeće  
-ovdje-

**PREDMET:** Prijedlog Odluke o utrošku sredstava posebne naknade za zaštitu od prirodnih i drugih nesreća za sufinansiranje Programa uređenja i održavanja vodotoka i drugih voda, izgradnja, rekonstrukcija i održavanje vodnih objekata za 2019. godinu, dostavlja se

Na osnovu člana 137. u vezi sa članom 154. Poslovnika Gradskog vijeća Bihać ("Službeni glasnik Grada Bihaća", broj: 03/16) Gradonačelnik Gradskom vijeću Grada Bihaća, dostavlja na razmatranje radi donošenja:

**O D L U K E**

o utrošku sredstava posebne naknade za zaštitu od prirodnih i drugih nesreća za sufinansiranje Programa uređenja i održavanja vodotoka i drugih voda, izgradnja, rekonstrukcija i održavanje vodnih objekata za 2019. godinu.

**Obrazloženje**

**Pravni osnov**

Pravni osnov za donošenje ove Odluke sadržan je u članu 180. stav 4. i 5. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj: 39/03, 22/06 i 43/10 ) koji propisuje način prikupljanja, vođenja evidencija i akumulaciju sredstava naknade za zaštitu i spašavanje na posebnom transakcijskom računu i tački VII Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine Federacije BiH", broj: 04//12 i 80/13), kojom je propisan način korištenja sredstava posebne naknade za učešće u provođenju preventivnih mjera zaštite i spašavanja.

Statutom Grada Bihaća ("Službeni glasnik Grada Bihaća", broj: 13/15 i 13/18) u članu 28. stav 1. tačka s) propisano je da Grad obavlja poslove koji se odnose na organiziranje, sprovođenje i odgovornost za mjere zaštite i spašavanje ljudi i materijalnih dobara od elementarnih nepogoda i prirodnih katastrofa, dok je u članu 35. tačka c) propisano da Gradsko vijeće u okviru svoje nadležnosti, donosi odluke i druge opće akte kojima uređuje pitanja iz samoupravnog djelokruga Grada.

## Razlozi donošenja:

Tačkom VII Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine Federacije BiH", broj: 04/12 i 80/13) propisano je da se iz sredstava posebne naknade zaštite i spašavanja mogu sufinancirati projekti prevencije (preventivne mjere zaštite i spašavanja) koji su u funkciji sprečavanja nastanka prirodne ili druge nesreće ili ublažavanja djelovanja tih nesreća, a koje su utvrđene u programskim i planskim dokumentima zaštite i spašavanja.

Obzirom da su:

U PROGRAMU razvoja zaštite i spašavanja ljudi i materijalnih dobara od prirodnih i drugih nesreća na području grada Bihaća za period 2015-2020 godine ("Službeni glasnik Grada Bihaća", broj 04/15) Poglavlje II poplava (strana 42) i

PLANU zaštite i spašavanju ljudi i materijalnih dobara od prirodnih i drugih nesreća na području grada Bihaća ("Službeni glasnik Grada Bihaća", broj 12/18) poglavlje 4.1 propisano da se (poplavom ugrožena područja štite izgradnjom zaštitnih objekata i sistema kao što su nasipi, regulacija riječnih korita, odvodni i obodni kanali, redovnim održavanjem zaštitnih objekata i sistema) nalaze planirane preventivne mjere koje se realiziraju Programom uređenje i održavanje vodotoka i drugih voda, izgradnje, rekonstrukcije i održavanja vodnih objekata za 2019 godinu, a u skladu sa Godišnjim planom korištenja sredstava posebne naknade za 2019 godinu (Zaključak Gradskog štaba civilne zaštite broj: GŠCZ-44-34/18 od 23.11.2018 godine) predlažemo sufinansiranje istog u iznosu od 150.000,00 KM.

Odlukom o osnivanju JU "Zavoda za prostorno uređenje" Bihać prenesena su Zavodu javna ovlaštenja za obavljanje stručnih i upravnih poslova iz oblasti uređenja i održavanja vodotoka i drugih voda, izgradnja, rekonstrukcija i održavanje vodnih objekata i to:

- priprema u suradnji sa nadležnom gradskom službom i podnosi osnivaču prijedloge godišnjih i višegodišnjih programa uređenja i održavanja površinskih voda II kategorije;
- obavlja održavanje površinskih voda II kategorije i zaštitnih vodnih objekata;
- održavanje korita i obala vodotoka u naseljenim mjestima;
- vodi evidenciju (baza podatak) kolektora, objekata i uređaja za odvodnju oborinskih voda i dostavlja podatke za izradu katastra.

Na području grada Bihaća ukupna dužina otvorenih kanala iznosi 104.657 metara a Programom za 2019. godinu su obuhvaćeni otvoreni kanali u dužini od 15.700 metara (Ugovor br. 7531/18) za čiju sanaciju je potrebno obezbjediti 308.880,00 KM i to:

1. sjeverni lateralni kanal Klokotski most-Kamenica- 4300 metara
  2. slivno područje sjevernog lateralnog kanala rijeka Mrežnica-3700 metara
  3. slivno područje sjevernog lateralnog kanala potok stara Mrežnica-1700 metara
  4. slivno područje sjevernog lateralnog kanala čišćenje potoka Mrežnica-4500 metara
  5. otvoreni kanali potoka Lisa i Žegarski potok-MZ V. Polje-1500 metara
- u ukupnom iznosu od: 308.880,00 KM.

U tu svrhu u skladu sa stavom (4) tačke VII Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća

("Službene novine Federacije BiH", broj: 04/12 i 80/13) Služba civilne zaštite je izradila predmetnu Odluku i istu dala Gradskom Štabu civilne zaštite na razmatranje i pribavljanje mišljenja.

Gradski Štab civilne zaštite je na 38 sjednici održanoj dana 27.06.2019 godine dao pozitivno mišljenje Zaključkom broj: GŠCZ-44-17/19.

#### **Financijska sredstva za realizaciju Odluke:**

Sredstva za realizaciju predložene Odluke, odnosno sufinansiranja Programa uređenja i održavanja vodotoka i drugih voda, izgradnja, rekonstrukcija i održavanje vodnih objekata za 2019. godinu osigurana su:

- u Budžetu Grada Bihaća, razdjel 7011000- ekonomski kod 614311- provođenje preventivnih mjera zaštite i spašavanja- sprečavanje i ublažavanje prirodnih i drugih nesreća (poplave, klizišta, odroni, čišćenje kanala oborinskih voda, zarazne bolesti ljudi i životinja)- sredstva civilne zaštite za posebne namjene.

#### **Prijedlog:**

Obzirom da predložena Odluka nije obimna niti složena, Gradskom Vijeću Grada Bihaća predlažem da u okvirima nadležnosti utvrđenih članom 35. stav 1. tačka c), a u vezi sa članom 28. stav 1. tačka s) Statuta Grada Bihaća ("Službeni glasnik Grada Bihaća", broj: 13/15 i 13/18) istu donese u predloženom tekstu po skraćenom postupku u smislu člana 154. stav 2. i 3. Poslovnika Gradskog vijeća Grada Bihaća ("Službeni glasnik Grada Bihaća", broj: 03/16).

#### **Prilog:**

1. Prijedlog Odluke
2. Zaključak Gradskog štaba civilne zaštite Grada Bihaća broj GŠCZ-44-17/19 od 27.06.2019 godine .

Gradonačelnik  
Šuhret Fazlić

Na osnovu člana 180. satav 4. i 5. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj: 39/03. 22/06 i 43/10), tačke VII Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine Federacije BiH", broj: 04/12 i 80/13), a uz prethodno pribavljeno mišljenje Gradskog štaba civilne zaštite broj: GŠCZ-44-17/19 od 27.06.2019 godine i člana 35. tačka c) Statuta Grada Bihaća ("Službeni glasnik Grada Bihaća", broj: 13/15 i 13/18) Gradsko vijeće Grada Bihaća na \_\_\_\_\_sjednici održanoj dana \_\_\_\_\_ donosi:

## **ODLUKU**

o utrošku sredstava posebne naknade za zaštitu od prirodnih i drugih nesreća za sufinansiranje Programa uređenja i održavanja vodotoka i drugih voda, izgradnja, rekonstrukcija i održavanje vodnih objekata za 2019. godinu.

### **Član 1.**

Za sufinansiranje Programa uređenja i održavanja vodotoka i drugih voda, izgradnja, rekonstrukcija i održavanje vodnih objekata za 2019. godinu, a u svrhu provođenja prevencije zaštite i spašavanja ljudi i materijalnih dobara od prirodnih i drugi nesreća, iz Budžeta Grada Bihaća, razdjel 7011000 – ekonomski kod 614311 – provođenje preventivnih mjera zaštite i spašavanja – sprečavanje i ublažavanje prirodnih i drugih nesreća (poplava, klizišta, odroni, čišćenje odvodnih kanala oborinskih voda, zarazne bolesti ljudi i životinja) – sredstva civilne zaštite za posebne namjene, odobravaju se sredstva u iznosu 150.000,00 KM (slovima: jedinstotina pedeset hiljada konvertibilnih maraka i nula feninga).

### **Član 2.**

Sredstva iz člana 1. ove Odluke koristit će se za sufinansiranje Programa uređenja i održavanja vodotoka i drugih voda, izgradnja, rekonstrukcija i održavanje vodnih objekata za 2019. godinu- učešće Grada Bihaća čiji je nosilac JU "Zavod za prostorno uređenje" – Bihać razdjel 5001000 ekonomski kod 613300.

### **Član 3.**

Gradonačelnik će putem JU "Zavod za prostorno uređenje" Bihać Gradskom vijeću, podnijeti izvještaj o utrošku sredstava namjenjenih za sufinansiranje Programa iz član 1. ove Odluke.

### **Član 4.**

O izvršenju ove Odluke starat će se Služba za finansije i Služba civilne zaštite.

### **Član 5.**

Ova Odluka stupa na snagu slijedećeg dana od objavljivanja u "Službenom glasniku Grada Bihaća".

Broj: \_\_\_\_\_  
Bihać, \_\_\_\_\_

Predsjedavajući Gradskog vijeća  
Davor Župa

Na osnovu člana 180. Zakona o zaštiti i spašavanju ljudi i materijalnih dobara od prirodne i druge nesreća ("Službene novine Federacije BiH", broj 39/03; 22/06 i 43/10), stava 4. tačke VII Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine Federacije BiH", broj: 04/12 i 80/13), člana 29. tačka 3. Pravilnika o načinu i funkcionisanju štabova i povjerenika civilne zaštite ("Službene novine Federacije BiH", broj:77/06 05/07), te člana 13. i 19. Poslovnika o radu Štaba civilne zaštite Grada Bihaća, broj ŠCZ-44-2/17 od 16.03.2017. godine, na sjednici održanoj dana 27.06.2019. godine Gradski štab civilne zaštite Grada Bihaća donosi:

## **Z A K L J U Č A K**

### **I**

Gradski štab civilne zaštite daje pozitivno mišljenje na prijedlog Odluke o utrošku sredstava posebne naknade za zaštitu od prirodnih i drugih nesreća za sufinansiranje Programa uređenja i održavanja vodotoka i drugih voda, izgradnja, rekonstrukcija i održavanje vodnih objekata za 2019. Godinu-učešće Grada Bihaća u iznosu od 150.000,00 KM.

### **II**

Prijedlog odluke iz tačke I uputiti Gradskom vijeću na usvajanje-donošenje.

### **III**

Ovaj Zaključak stupa na snagu danom usvajanja.

Broj: GŠCZ-44-17/19  
Bihać, 27.06.2019. godine

Komandant Štaba civilne zaštite  
Šuhret Fazlić